

Fragmentum legis quae dicitur de imperio Vespasiani.

244 foedusve cum quibus volet facere liceat, ita uti licuit divo Aug., |
Ti. Iulio Caesari Aug., Tiberioque Claudio Caesari Aug. Germanico. |

Utique ei senatum habere, relationem facere, remittere, senatus | con-
sulta per relationem discessiónemque facere liceat, | ita uti licuit divo Aug., 5
Ti. Iulio Caesari Aug., Ti. Claudio Caesari | Augusto Germanicó. |

Utique, cum ex voluntate auctoritateve iussu mandatuve eius | prae-
sentere eo senatus habebitur, omnium rerum ius perinde | habeatur ser-
vetur, ac si e lege senatus edictus esset habereturque. |

Utique quos magistratum potestatem imperium curationemve | cuius 10
rei petentes senátui populoque Romano commendaverit, | quibusque suf-
fragationem suam dederit promiserit, eorum | comitis quibusque extra
ordinem ratio habeatur. |

Utique ei fines pomerii proferre promovere, cum ex republica | cen- 15
sebit esse, liceat, ita uti licuit, Ti. Claudio Caesari Aug. | Germanico.¹ |

Utique quaecunque ex usu reipublicae maiestate divinarum | hum[a-
n]arum² publicarum privatarumque rerum esse³ | censebit, ei agere facere
ius potestasque sit, ita uti divo Aug., | Tiberioque Iulio Caesari Aug., Tibe- 20
rioque Claudio Caesari | Aug. Germanicó fuit. |

Utique quibus legibus plebeive scitis scriptum fuit, ne divus Aug. |
Tiberiusve Iulius Caesar Aug., Tiberiusque Claudius Caesar Aug. | Germa-
nicus tenerentur, iis légibus plebisque scitis imp. Caesar | Vespasianus 25
solútus sit, quaeque ex quaque lege rogatione | divum Aug., Tiberiumve
Iulium Caesarem Aug., Tiberiumve | Claudium Caesarem Aug. Germanicum
facere oportuit, | ea omnia imp. Caesari Vespasiano Aug. facere liceat. |

Utique quae ante hanc legem rogatam acta gesta | decreta im- 30
perata ab imperatore Caesare Vespasianó Aug., | iussú mandatuve eius a
quoque sunt, ea perinde iusta rataq(ue) | sint ac si populi plebisve iussú
acta essent. |

Sanctió. |

Si quis huiusce legis ergo adversus leges rogationes plebisve scita |
senatusve consulta fécit fecerit, sive, quod eum ex lege rogatione | plebisve 35
scito s(enatus)ve c(onsulto) facere oportebit, non fecerit huius legis | ergó,
id ei ne fraudi esto, neve quit ob eam rem populo dare debeto, | neve
cui de ea re actio neve iudicatio esto, neve quis de ea re apud | [s]e
agi sinito.

*Romae, tabula magna aenea, a Nicolao Laurentii f. (Cola di Rienzi) in ecclesia
Lateranensi collocata, hodie in museo Capitolino adservata (VI 950). Postremam
esse e pluribus quae perierunt apparet. — Utrum ex lege (cf. v. 51. 55) haec super-
sint an ex senatus consulto, quaesivit Mo. Staatsr. II p. 841. — 1) Cf. supra N. 245
et infra N. 248. — 2) humarum, 3) esse e tabula.*